



15
1854

Broj: 05/06-04-31246-27/26-102

Sarajevo, 15.07.2026. godine

KANTON SARAJEVO
SKUPŠTINA KANTONA SARAJEVO
N/r Predsjedavajućeg Skupštine

Predmet: Odgovor na zastupničko pitanje zastupnice Klarić Sanele – dostavlja se
Veza: Akt Skupštine Kantona Sarajevo broj: 01-04-31246-27/26 od 03.07.2026.
godine

Dana 06.07.2026. godine Ministarstvo komunalne privrede, infrastrukture, prostornog uređenja, građenja i zaštite okoliša zaprimilo je od strane Skupštine Kantona Sarajevo zastupničko pitanje zastupnice Klarić Sanele u skladu sa članom 211 i 214. Poslovnika Skupštine Kantona Sarajevo. Zastupničko pitanje glasi:

„Na osnovu člana 106. Poslovnika Skupštine Kantona Sarajevo, upućujem pitanja Vladi i resornom ministarstvu:

- **da li i kada počinje program obnove fasada i krovova sa azbestom,**
- **da li će moći sudjelovati i zgrade/ulazi iz Općine Novi Grad Sarajevo, jer općina nije aplicirala napoziv?”**

ODGOVOR:

Ministarstvo komunalne privrede, infrastrukture, prostornog uređenja, građenja i zaštite okoliša zaprimilo je navedeno zastupničko pitanje, te Vas obavještavamo o do sada poduzetim aktivnostima.

Ministarstvo komunalne privrede, infrastrukture, prostornog uređenja, građenja i zaštite okoliša svjesno štetnog uticaja materijala na bazi azbesta, Registar objekata kolektivnog stanovanja oštećenih usljed ratnih dejstava u Kantonu Sarajevo proširilo je sa evidencijom objekata koji na krovu ili fasadi imaju materijale na bazi azbesta.

Ministarstvo je u 2025. godini objavilo Javni poziv Općinama za učešće u subvencioniranju Sistemske sanacije objekata oštećenih usljed ratnih dejstava na području Kantona Sarajevo i Povećanje energijske efikasnosti u objektima individualnog i kolektivnog stanovanja, s tim da

Ministarstvo sufinansira 50% vrijednosti sanacije, a Općina ostatak od 50% s tim da u svoj dio sufinansiranja može uključiti u određenom procentu i etažne vlasnike. Navedenim Javnim pozivom je bila predviđena i sanacija krovova i fasada sa materijalima na bazi azbesta. Dana 25.09.2025. godine zatvoren je Javni poziv, a na koji Općina Novi Grad nije predala prijavu niti kandidovala objekte za sanaciju.

Ministarstvo je u predhodnom periodu obavilo konsultacije sa svim Općinama na području Kantona Sarajevo kako bi ih upoznao sa namjerom da se i ove godine, ukoliko su zainteresovani, realizuje Program na isti način, ali do danas nemam potvrdni odgovor od Općina.

Ministarstvo će po dobijanju odgovora od Općina sačiniti prijedlog Programa za Sistemsku sanaciju objekata oštećenih ratnih dejstvima i Programa za Povećanje energijske efikasnosti u objektima individualnog i kolektivnog stanovanja, te dostaviti Vladi Kantona Sarajevo na usvajanje.

Također, osnovni uslov da bi objekat bio predmet sanacije je da se nalazi u Registru objekata kolektivnog stanovanja oštećenih usljed ratnih dejstava u Kantonu Sarajevo.

Ukoliko se Javni poziv odnosi na Općine kao sufinansijere i nosioce aktivnosti realizacije sanacije, nije moguće da se direktno na Javni poziv prijavi zgrada.

Za uspješnu realizaciju projekata bitno je učešće Općina, zbog potrebnih saglasnosti za izvođenje radova na objektima, kao i zbog sredstava sa kojim sufinansiraju, jer direktno utiču na veći broj saniranih objekata. Također, Općine podliježu istim zakonima kao i Ministarstvo, odnosno trošenje budžetskih sredstava je kontrolisano kroz općinske službe, a u skladu sa zakonskim odredbama koje se odnose na utrošak sredstava.

S poštovanjem,

Obradila: Amela Kule
Kontrolisala: Ana Mi



Dostaviti:

1. Predsjedavajući Skupštine Kantona Sarajevo
- ② Služba za skupštinske poslove
3. Sekretar Vlade Kantona Sarajevo
4. Koordinator za izradu odgovora na zastupnička pitanja
5. Evidencija

